

欽定大清會典圖


欽定大清會典圖卷二百三十一


輿地九十三

嘉定府圖

雅州府圖

嘉定府圖





嘉定府在省治南三百九十里至

京師五千一百五里領廳一縣七治樂山西峩眉  
東南捷為西南峩邊廳東北榮縣威遠西北夾  
江洪雅岷江自眉州青神縣南流入界經府治  
北南流泥溪河自資州井研縣來西南流注之  
經府治東又南受大渡河河即泝水自甯遠府  
越舊廳東流入界經峩邊廳西北金石河自雅  
州府青溪縣來合一水東南流注之經順江場  
南左納一小水又東南越舊河亦自越舊廳來  
東北流注之右納一小水東北流經廳治西北


一水自馬邊廳來北流注之。經廳北又東左右各納一小水。至府治西南曰陽江。青衣江自雅州府雅安縣來東南流合川溪河。粗石河三莪水及一小水來會。又東注岷江。岷江又東南經捷為縣西北。四望溪西南流注之。右納羅萊溪及一小水。經縣東北左納一小水。又南清水溪自馬邊廳來東流注之。又東南入敘州府宜賓縣界。榮河出榮縣西北為東川溝。東南流經縣治南。梧桐溝水自縣治東北來會。曰中溪河。又東經貢井南。傅家河自威遠縣北東南流合跳


石河黨木河龍會河為威遠河來會。又東南入  
敘州府富順縣界。義眉山在義眉縣西南。府東  
至南界敘州府。西及西北界雅州府。北界眉州。  
東北界資州。西南界甯遠府。



雅州府圖一

中






雅州府圖二

右中

一







雅州府圖三

中北

一








雅州府圖四

中南

一





雅州府在省治西南三百三十里至

京師五千四十五里。領廳一州一縣五。治雅安北  
蘆山。西打箭爐廳。東北名山。西北天全州。西南  
榮經清溪。青衣江上源。二即沫水。西源出懋功  
廳南。四水會流入界。經天全州北木坪司。西東  
南流經蘆山縣南。與東源會。東源出蘆山縣東  
北伏牛山西。三水合西南流。經縣東南會西源。  
西南流魚喜河上。承天全州西北諸山水。東南  
流來會。又東南會榮經水。榮水出黎州土司北。  
東北流。三小水合北流注之。二小水合東流注。

之。經縣北。又東。經水出縣南瓦屋山。合一水。西北流來會。又北。經府治西。三小水自天全州南合。東流注之。又北。與沫水會。沫水又東南。經府治北。又東南。周公水出周公山南。三源合。東北流注之。又南。白崖山水南流注之。經平羌渡。又東南。夾佳溪二水合。北流注之。蒙山水自名山縣東北。二水合。東南流注之。又南流為青衣江。入嘉定府洪雅縣界。大渡河上流為大金川河。自懋功廳西南流。入界。經章谷屯。東西南流。始名大渡河。又西南。二小水合。東南流注之。格霍

河二源合西流注之。又南受打箭壚河。河出廳南大雪山三池泉。東北流經廳南。木雅河二源合東流來會。又東北。東坡河二源合東南流來會。又東北經柳楊南。巴的河左右各合一小水南流注之。又東。左納頭道河注大渡河。大渡河又南流經瀘定橋。左右各納一小水。又經化林坪西。左納二小水。右納一小水。又南。什月河二源合東南流注之。又南錯入甯遠府越舊廳界。松林河老鴉漩河並在打箭壚廳南東流出界注之。復東流經清溪縣

南。流沙河上源二。一自飛越嶺南合二小水。一自黎州土司南合一小水。並經清溪縣西合東流。經縣南。左納一水來注之。又東入嘉定府峩邊廳界。金口河二源出清溪縣東合東流。亦入峩邊廳界注之。鴉礮江即古若水。一名瀘水。自青海東南流入界曰雜楚河。一曰仄楚河。又東南流。一小水西南流注之。折東南流。瑪母河東北流注之。齊齊爾哈那河出巴顏禿胡穆嶺東西南流注之。又東南經澤巴彥哈拉山南。雜楚河經特悶訶珠嶺北。合一水東北流注之。又東



南為雜楚齊爾哈拉河。瑪穆齊爾哈拉河。合一水西南流注之。又東南為尼雅克措河。經甘孜渡口東。謝楚河出牟尼茫起山南流注之。又西南鄂伊楚爾古河上承托母楚河。雜母都河水東南流注之。又東南阿牙哈圖河出噶察克拉嶺南。合公噶拉嶺水西南流注之。又西南楚穆河東南流注之。是為鴉礮江。又南流經噶拉烏朱所東。上渡西及上中下渣壩。西左納四小水。又南壩拉河出打箭爐廳西南境大山。合數水西南流注之。又南流一水自瞻對南二源。

合南流注之。左納一小水。經中渡西。又西南一  
小水二源。合西南流注之。又南至下渡。入甯遠  
府。冕甯縣界。無量河上源曰札穆楚河。出打箭  
爐廳西裏塘界。二水合南流。里楚河自西北山  
來注之。又南瑪爾楚河。東南流注之。又南入甯  
遠府鹽源縣界。與多克楚河會。河自沙魯楚泊  
南流。經彥定衮城西。又南亦入鹽源縣界。布壘  
楚河為金沙江上源。即古麗水。自青海東南流  
入界。經打箭爐廳西北。又東南流。經沖郭廟北  
左。納朗楚河。右納一小水。又東南一水。自勒里

雅布嶺西南流注之。又西南經里穆山西。多克楚河出宗噶布山。合一水。曲東南流注之。又曲折西南流。經瓦速咽隴界西。袞卓宗城上下。阿蘇東。一水自巴塘土司所屬境裕里拉嶺南。經巴塘城西南。合一水為巴楚河。東南流注之。又南入雲南麗江府界。郭楚河在廳西南。經南墩。合一水為總文河。亦入麗江府界。楚楚河出打箭爐廳西北山。西南流。猛楚河南流注之。勒楚河合色爾恭河西北流注之。又西入西藏界。注匝楚河。蒙山在名山縣北。府東界眉州。西界西

藏南及東南界嘉定府。北界懋功廳。東北界邛  
州。西北界青海。西南界甯遠府。

欽定大清會典圖卷二百三十二

輿地九十四

敘永廳圖

石碓廳圖

松潘廳圖

理番廳圖

懋功廳圖

敘永廳圖







敏永廳在省治東九百九十里。至

京師五千七百五里。領縣一。西城永甯。清水河出廳東南摩尼站東。合一小水西北流。道場溪出永甯縣西南雪山。合唐家灣水來會為永甯河。又經廳治西而北。右納二小水。又北經興隆場東。落巖河出分水嶺。經大壩營東。合二水東北流來會。又北入瀘州江安縣界為清水河。赤水河自貴州大定府畢節縣西北流入界。經廳東南赤水鎮。又折東南流入貴州遵義府仁懷縣界。廳東及東北界貴州遵義府。西至南界雲南

昭通府。東南界貴州。大定府。西北界敘州府。

石  
砭  
廳  
圖






石砭廳在省治東一千六百四十里。至


京師四千八百里。大江自忠州鄖都縣緣界東北流。右納神溪鍾溪沿溪又東北入夔州府萬縣界。葫蘆溪一曰南賓河。上源二並自湖北施南府利川縣入界。北源曰龍嘴溪。二水合西南流。南源曰冷青溪。亦二水合西南流。經沙子關合流為三江溪。又折西南流曰後河。經廳治北漆園水一名大鳳溪南流注之。又西南江池溪出廳北龍潭南流注之。又西南為葫蘆溪折西北入忠州鄖都縣界。注於江。廳東及東南界湖北

施南府。西界忠州。北及西北界夔州府。南及西  
南界酉陽州。

松潘廳圖








松潘廳在省治北七百二十里。至


京師五千四百三十五里。岷江即汶江。出廳西北  
岷山之羊膊嶺。二源合南流。一水自殺鹿塘來  
注之。經黃勝關。又南。一水自廳東北弓楨口來  
注之。經廳治東。又南。左納東勝河。右納窗河。又  
南。經歸化堡西。左納雲昌溝。及三小水。右納山  
壩溪。又南。經靖夷堡。及平定關。西入茂州界。黑  
水河二源並出廳西。北曰楚納克河。南曰雅爾  
隆河。經毛兒革土司西南。合東南流。為黑水河  
入茂州界。多拉崑都崙河。都爾達都坤都崙河。

德特坤都崙河。並出廳西北。西北流出廳界入  
黃河。澁水二源出廳西北。北曰馬爾隆河。南曰  
雅爾隆河。經小河樹土司南合南流。二小水合  
西南流注之。又南。左納二水。又南。一水自上果  
羅克合三小水。經下果羅克西。東南流注之。又  
南入理番廳界。為大金川河。清江一曰白水江。  
即古桓水。亦曰墊江。出廳北岷山數源。曰裴雜  
塔拉泉。經章仄山南。東南流曰祥楚河。又東北  
流經武都關南曰清江。又東流入甘肅階州界。  
察岡公湯河出廳東北境。亦入階州界。白水河

出廳東北境。二源合東南流入階州文縣界。涪江出廳東北雪欄山。三水會於三舍堡東南流。一水自羊崗口東北來注之。又南經小河營。西曰小河。入龍安府平武縣界。白馬河出廳東下羊崗南。亦入平武縣界。梭磨河二源並出廳西南。入理番廳界。岷山甘松嶺並在廳東北。廳東及東南界龍安府。西界雅州府。北界甘肅鞏昌府。南界茂州。西南界理番懋功二廳。東北界甘肅階州。西北界青海。

理番廳圖









理番廳在省治西北五百三十里。至

京師五千二百四十五里。岷江自茂州西南流入界。經廳東南。新保關西。雜谷。關河。即沱江上源。出廳西北。山東流。經廳北。折南。合孟董溝水。又南注之。又西南流入茂州。汶川縣界。登溪溝沙派溝。龍潭溝。小納凹河。並出廳西南。大雪山入汶川縣界。納凹河出廳西。雜谷。腦土屯。南龍池。台三小水。東南流入汶川縣界。注岷江。泔水自松潘廳南流入界。經廳西。梭磨河二源。並自松潘廳來。合西流。右納松岡。黨壩二水。注之。又南

八懋功廳界為大金川河。廳北至南界茂州西  
及西南界懋功廳。西北界松潘廳。

懋  
功  
廳  
圖





懋功廳在省治西八百六十里。至

京師五千七百里。小金川河出廳北孟拜山。亦曰夢筆山。東南流經大板昭南。一小水自北來注之。又南流經底木達南。一小水自北來注之。又經撫邊屯北。撫邊河自西來注之。又經猛固寨北。一水自應南來合一小水西北流注之。折西南流。石門卡水西流注之。小溪河東南流注之。又西南經三關橋。左納美濟河為懋功河。又經僧克宗南。右納一小水。又南經甲楚橋為甲楚河。至章谷屯東。與大金川河會。大金川河上

源為泚水。即古沫水。自松潘廳南流入界。為大金川河。東南流。經茹寨東。一小水自廣甯營來注之。又東南。經綏靖屯東。一水自綏靖營來注之。又東南。經河東土屯西。三小水合西南流。注之。又折東南。流經廣法寺西。一水自河西土屯來注之。又經崇化屯西。左納二水。又東南。一水自巴旺來注之。又經章谷屯東。會小金川河。又西南入雅州府。打箭爐廳界。為大渡河。廳南一水自漢牛土屯西南流。又一水自宅壟土司東南流來會。入雅州府天全州界。廳東界邛州西。

至南界雅州府。北界理番廳。東北界茂州。西北  
界松潘廳。



欽定大清會典圖卷二百三十三

輿地九十五

貴州圖


緜州圖

茂州圖

酉陽州圖

資  
州  
圖





資州在省治東南三百四十里。至


京師五千五十五里。領縣四。東南內江。西南井研。西北資陽仁壽。沱江自成都府簡州東南流入界。經資陽縣北。楊花溪自潼川府樂至縣來西流注之。經縣東又南。資溪二源合東南流注之。又曲折東南流經州西北。珠溪出仁壽縣東南流合龍水及一小水注之。又東南經州治南唐明渡北。小溪合二小水南流注之。大濛溪東流注之。又曲折東南流經內江縣治東而南。高橋河合清流入西南流注之。又南入敘州府富順。

縣界。黃龍溪自簡州西南流入界。經仁壽縣西北。西南流入眉州彭山縣界。魚蛇水出仁壽縣北木梓山。西南流入眉州界。泥溪河上承井研縣東北芙蓉溪麻坪水及縣西北張公溪水。西南流入嘉定府樂山縣界。周家坡水亦在縣西入眉州青神縣界。州東界重慶府。西及西北界眉州。南及東南界敘州府。北及東北界潼川府。西北界成都府。西南界嘉定府。


縣

州

圖








蘇州在省治東北二百七十里。至

京師四千九百八十五里。領縣五。西南羅江德陽  
縣竹。東北梓潼。西北安縣。涪江自龍安府彰明  
縣南流入界。經州北。石板河自其縣來東南流  
注之。東河亦自其縣來西南流注之。經州治東  
又南。茶坪河出安縣西北茶坪山。合蘇包河及  
一小水東南流注之。又東南入潼川府三台縣  
界。梓潼水出龍安府平武縣東南山。南流經梓  
潼縣北七曲山五婦山東。始名梓潼水。經縣治  
西曲南流入潼川府鹽亭縣界。石牛鋪水出縣

西魏城驛水出州東。俱南流入鹽亭縣界。羅江水一曰中江。二源並出安縣西。北曰黑水河。南曰冷水河。經羅江縣北。合南流入潼川府中江縣界。緜陽河出茂州牛心山東南。流入界。經縣竹縣北。又東南經德陽縣東。折西南入成都府漢州界。緜水出縣竹縣北紫微山。東南流經縣東。又西南白水河。陡子河。龍蟒河。射水河。合東南流來會。又西南亦入漢州界。州東至南界潼川府。西及西北界茂州。北界龍安府。東北界保甯府。西南界成都府。

茂  
州  
圖






茂州在省治北四百十里。至


京師五千一百二十五里。領縣一。西南汶川。岷江自松潘廳南流入界。經川西北普安堡。疊溪營。長甯堡西。黑水河即翼水亦名疊溪。亦自其廳來東南流注之。又南北松溪河一名黑虎寨河東南流注之。又經州北有小水西南流經魏門關南來注之。又經州治西折西南流。左納白水河。又西南流舊威州城西北。錯入理番廳界。復經汶川縣北。左納大溪口水。右納登溪溝水。經縣治西又南。左納桃川水。草坡河上承理番廳

龍潭溝沙派溝及天赦山水東南流注之。又東南經娘子嶺西。納凹河自理番廳來。合巴朗山水。卧龍關水。小納凹河東南流注之。又南入成都府灌縣界。三江口河出大雪山之龍潭。三源合東南流。亦入灌縣界。白沙河及西一水並出汶川縣東南。入灌縣界。州東及東南界絲州。西界理番廳。南界成都府。北及西北界松番廳。東北界龍安府。西南界懋功廳。



西陽州圖





酉陽州在省治東南一千七百四十里。至  
京師四千八百二十里。領縣三。東南秀山。東北  
黔江。西北彭水。烏江自貴州思南府安化縣  
東北流入界。經州西龔灘受南溪河。河上流  
為唐崖河。自湖北施南府咸豐縣西流入界。  
經黔江縣東南流。右納大木溪及二小水。  
又經石牙關西。左納二小水。又西南注烏江。  
烏江又西北。洪渡河亦自安化縣來東北流注  
之。又經彭水縣西南。左納長溪。又經縣治西而  
北。中清河上源即龍嘴河。自湖北施南府咸豐

縣東南流入界。經黔江縣北。合後江河水。洞河及數小水。西南流注之。又西北。左納合溪河。折西南。木棧河。合射香溪。及一小水。南流注之。又西南。經江口鎮北。曰黔江。入重慶府涪州界。北河自湖北施南府西南流入界。經州東北。折東南。流會邑梅河。河出秀山縣邑梅司東。合一小水。東北流。經縣北。紅沙溪。合嘉塘河。東北流注之。又北。容溪。後溪。合東南流注之。又東北。與北河會。北河折東。入湖南永順府保靖縣界。為酉水。三岔河。出州西南。二水合。西南流入安化縣。

界龍潭在州治西南。州東界湖南永順府。西及西南界貴州思南府。南界貴州松桃廳。北及東北界湖北施南府。東南界湖南永綏廳。西北界重慶府忠州石碛廳。